





1 4  
1544  
122





14  
1544  
122

會  
時  
次  
據

54  
1544  
122

全五代詩

全五代詩序

五代詩向無全本編詩者率皆  
附之唐末宋初之間並少專輯  
惟新城王尚書漁洋有五代詩  
話而所載者事蹟詩或缺焉竊  
嘗論之梁唐晉漢周歷五代十

全五代詩  
三君共五十二年其間或縉紳  
或隱逸代不乏人然各事其主  
判若町畦如梁初或可附之唐  
末矣晉漢周則去唐較遠周末  
或可附之宋初矣唐晉漢則距  
宋稍遙况兼以十國各據疆土

即五代之君亦不能隸其版土  
而屬之而况乎唐宋所謂風馬  
牛不相及者以之附入豈不謬  
乎夫讀古人書貴知古人之世  
事君之義從一而終此天經地  
義也而五代年間易姓僭竊如

全五代詩 序  
翻鑲上餅以致官爵益濫小人  
乘君子之器富貴出於非意視  
國家安危如秦越不相謀故其  
時將相大臣有一人而事一二  
朝者有一人而事四五朝者如  
後唐之馮道所向稱臣後梁之

王易簡幾遍五代後漢之王仁  
裕歷事八君似處處皆可攔入  
當附入何代乎惟於其人核其  
生平將受知必有最深之地功  
名必有最顯之時本其時其事  
以定其為何代之人亦愧其不

安之意也故數年來於趨署直  
宿之餘輒坐擁諸書詳加緝核  
有五代詩而為前人附入唐末  
宋初者俱一一歸還之或應入  
某代或應入某國各按其時其  
事而更於每人姓氏之下綴以

小傳皆據各書採錄非臆說也  
蓋不如是則不足以成五代之  
詩也更於五代後附以十國凡  
有斷章摘句靡不收入統名之  
曰全五代詩共計詩九十卷自  
乙未春二月至戊戌春正月積

三年而始成雖草創經營不無  
坦率而懶祭之下頗自信捃拾  
無遺庶幾使五十二年之文獻  
得以不墜不亦可乎我

朝文教光昌炳耀千古近於鄉會益  
以詩律薄海內外莫不炳炳麟

麟羣趨風雅矣今是編之出或  
亦搯觚者不無一得之助也夫

大清乾隆四十五年庚子八月

朔日

賜進士出身 奉直大夫


欽命提督廣東學政吏部考功司員



全五代詩序

外郎兼翰林院編修綿州李調

元雨村甫謹序



全五代詩

五代帝王廟謚年諱譜

梁朱氏都洛陽以開封為東都三十七年

太祖神武元聖孝皇帝本名溫碭山人初從黃巢

後降唐賜名全忠封梁王天祐四年篡位于大

梁元年丁卯三年己巳遷洛陽在位七年癸酉

其子友珪弑之 開平四 乾化二 宣陵 追尊敬祖諱茂

改茂名縣為越常縣兼避戊字凡戊改為武 憲祖諱信凡信皆為實

烈祖諱誠兼避城成等字凡誠為確新城為新登長城為長興樂城

為樂清城郭之城為牆成全之成為完

末帝初名友貞即位更名鐸貞明中又更名瑱晃子封均王誅友珪立元年癸酉在位十一年癸未唐兵入汴為其下所殺

仍稱乾德二 貞明七年十一月改 龍德三年己五月改

唐 本姓朱耶賜姓李氏都洛陽四主十四年

莊宗光聖神閔孝皇帝存勛其先沙陀部人父克用唐末以討黃巢功封晉王克用薨嗣晉王位六年紹唐正統稱帝元年癸巳在位四年丙戌兵亂中流矢崩 同光癸未四月改 雍陵 追尊獻祖諱國昌 凡昌字皆避改昌明縣為彰明昌江縣為平江延昌縣為延唐義昌縣

為彬義金昌縣為唐山

明宗聖德和武欽孝皇帝亶初名嗣源代北應州人克用養子同光三年為鄴都亂兵所立元年丙戌入洛在位八年癸巳崩 天成五年丙戌月改 長興 四庚辰二月改 徽陵

愍帝從厚明宗第三子封宋王元年癸巳在位四月明年潞王兵入出奔遇害 應順甲午正月改

潞王從珂明宗養子本姓王氏弒愍帝自立元年甲午在位三年丙申石敬瑭兵逼自焚 清泰甲午月改

晉 本出西夷姓石氏不知所始都洛陽後遷關封之至十一年

高祖聖文章武明德孝皇帝敬元太原人以北京留

守舉兵為契丹冊立元年丙申在位七年壬寅

殂 天福丙申十一月改 顯陵 敬 改為文氏或改為苟氏餘

皆以恭字代之兼避唐字凡州縣器用犯唐唐字者悉改之 追尊靖

祖諱璟兼避景影字 肅祖彬改彬為班或為文 獻祖紹雍兼避

邕雖等字更後唐雍陵曰伊陵

出帝重貴高祖兄子初封齊王壬寅嗣位在位五年

丙午契丹入大梁出降北遷卒于黃龍府 仍稱

天福二 開運三甲辰七月改

漢 劉氏都大梁二主十年

高祖睿文聖武昭肅孝皇帝高初名智遠本沙陀部

人世居太原契丹滅晉以太原王即帝位于晉

陽入都大梁元年丁未稱天福十二年明年戊

申殂 更稱天福 乾祐 睿陵 追尊文祖諱湍兼避過端

端瑞等字德祖昂兼避叩仰等字翼祖傑兼避巽讓等字顯祖

兼避典字

隱帝承祐高祖第二子封周元年戊申在位三年庚

戌郭威犯關弒之 仍稱乾祐 穎陵

周 郭氏都大梁三主十年

五代史

晉

三

太祖聖神恭肅文武孝皇帝威邢州堯山人以鄴都留守入汴自立為帝元年辛亥在位四年甲寅殂廣順三顯德一高陵

世宗睿武孝文皇帝榮太祖養子本姓柴氏后之姪封晉王甲寅嗣立在位六年己未殂仍稱顯德慶陵

恭皇帝宗訓世宗子封梁王元年己未明年庚申禪于宋後十四年殂不改元

附十國

吳姓楊氏廬州合肥人建國揚州自唐景福元年行密入揚州起至晉天福二

年溥止歷傳四主凡四十六年

前主楊行密字化源唐乾寧二年封宏農郡王天復年進爵吳王天祐三年殂年五十四諡孝武僭

號太祖興陵 滁人諱荇漢曰菱溪揚人諱密糖曰蜂糖

二主渥字承天行密長子在位三年殂年十三

三主隆演字鴻原行密第二子在位十三年年二十

四諡曰宣武義已卯四月改 肅陵

後主溥行密第四子在位十六年丁酉天祚三年十月為南唐李昇所篡年二十八殂僭諡睿帝號

讓皇國亡順義 太和 天祚 平陵

南唐 李氏都金陵傳三主三十九年

前主李昇初名知誥徐州人唐憲宗第八子建王恪

之後初依楊行密繼為徐溫所育冒其姓仕楊

氏封齊王受禪元年丁酉在位七年癸卯殂諡

光文肅武孝高皇帝僭號烈祖 昇元 永陵

二主璟初名景通後以避周信祖諱更名景昇長子

封齊王元年癸卯在位十九年辛酉殂戊午以

後去帝號奉周正朔諡明道崇德文宣孝皇帝

僭號元宗 保大十五中興戊午改 交泰三月又改順陵

後主煜初名從嘉璟第六子文獻太子卒立為皇太

子辛酉嗣立在位十五年乙亥降于宋封隴西

公又三年戊寅薨 用宋年號

前蜀 王氏都成都自唐大順三年入蜀後唐同光三年國滅傳二主共三十五年

前主王建字光國許州舞陽人為唐西川節度使封

蜀王梁開平二年戊辰梁篡唐建遂于九月稱

帝在位十二年七十二殂諡神武聖文孝德明惠

皇帝僭號高祖 武成三 永平五 通政一 天漢一 光天

後主名衍字化源初名宗衍建十一子賢妃徐氏所

生立為太子光天元年六月嗣位在位七年年

二十八為後唐所滅 乾德六咸康一

後蜀 孟昶成都自後唐同光二年入蜀至宋乾德三年乙丑國滅傳二主共四  
十一年

前主孟知祥字保允邢州龍岡人為後唐西川節度使封蜀王清泰元年即帝位在位二十六年

六十一諡文武聖德英烈明孝皇帝僭號高祖  
明德一 和陵

後主昶字保元初名仁贊知祥第三子貴妃李氏生立為太子甲午七月嗣位降宋國亡封秦國公  
宋乾德三年六月殂年四十七諡曰恭孝 明德四

廣政二十八

南漢

七年

劉氏都廣州自唐天祐二年入廣東至宋開禧四年國滅傳五主共六十

瀛王劉隱彭城人仕唐為清海軍節度使梁開平四

年封南海王卒年三十八追尊襄皇帝僭號烈

宗 德陵

前主龔初名巖襲封丁丑梁貞明三年稱帝國號大

越改號大漢在位二十七年年五十四殂諡天

皇大帝僭號高祖 乾亨九 白龍三 大有十五 康陵

二主珍龔第三子初名宏度即位更今名在位二年

為宏熙所弑年二十四諡曰殤

光天二

三主晟初名宏熙改名在位十六年年三十九殂諡

文武光聖明孝皇帝僭號中宗

應乾一乾聖六昭陵

後主名銀初名繼興晟長子襲位更名在位十四年

為宗所滅國亡封恩赦侯

楚

馬氏都長沙自唐乾寧三年入湖南至周廣順元年國滅傳五主共五十七年

武穆王名殷字霸國許州鄆陵人為唐湖南節度使

封楚王年七十九薨諡武穆

衡陽王名希聲字若訥武穆王次子襲位在位二年

卒

文昭王名希範武穆王第四子在位十六年殂

廢王名希廣字德丕武穆王第三十五子在位四年

為希萼所弑

恭孝王名希萼武穆王第三十子南唐保大九年遷

于金陵馬氏國亡後馬氏將相繼鎮湖南劉言

三年王逵三年周行逢六年子保權二年歸于

宋

吳越

錢氏都錢塘自梁開平元年起兵錢塘至宋太平興國三年歸宋

傳五主共七十八年

武肅王名鏐字具美臨安人董昌反于越稱大越羅

平聖人鏐討平之為唐鎮海鎮東軍節度使中  
書令彭城王天復二年進越王天復四年進吳  
王梁開平元年加封吳越王在位四十一年年  
八十一殂謚武肅 天寶十四寶大二寶正六長興三

文穆王名元瓘字明寶武肅王第七子襲位在位十  
年年五十五謚文穆 長興二應順一餘用清泰年號

忠獻王名宏佐字元祐文穆王第六子襲位在位七  
年年二十謚忠獻

忠遜王名宏侗字隆道文穆王第七子卒年四十四  
謚忠遜

忠懿王名侁字文德初名宏侁文穆王第九子襲位  
舉國歸宋年六十一卒謚忠懿國亡

閩 王氏都福州自唐景福元年王潮入閩至南唐保大四年國滅傳六主共五  
十三年

前主王審知字信通唐福建觀察副使潮之弟加節  
度使梁開平三年進封閩王在位二十九年  
六十四謚龍懿初追謚昭武孝皇帝僭號太祖  
宣陵

二主延翰字子逸審知長子在位一年為延鈞所弑



三主鱗初名延鈞改名審知次子嗣位在位十年為

李倣所弒諡齊肅明孝皇帝僭號惠宗 天成四

長興三 龍啟二 永和

四主繼鵬鱗長子即位更名昶在位四年為連重遇

所弒永隆初諡聖神英睿文明廣武應道大宏

孝皇帝僭號康宗 通文四

後主羲初名延羲審知第二十八子在位六年亦為

連重遇所弒諡睿文廣武明聖元德隆道大孝皇

帝 永隆

殷主延政景宗弟初封富沙王兄弟相攻遂以建州

開國號大殷改永隆五年為天德元年在位三

年降于南唐國亡諡曰恭懿

荆南 高氏都江陵自梁開平元年建國至宋乾德元年國除傳五帥共五十

七年

武信王名季興字貽孫陝州硤石人本名季昌避後

唐獻祖諱更今名梁開平元年拜荆南節度使

封南平王卒年七十一諡武信

文獻王名從誨字遵聖武信王長子襲位薨年五十

八諡文獻王

貞懿王名保融字德長文獻王第三子薨年四十一

嗣王名保勗字省躬文獻王十子嗣荆南節度使卒年三十九

侍中名繼冲字成和貞懿王長子嗣荆南節度使納

土歸宋開寶中六年卒年三十一贈侍中國亡

北漢劉氏都太原自周廣順二年立至宋興國四年國滅傳四主共二十八年

前主劉昊後漢高祖嵩之母弟初名崇隱帝時為河

東節度使已而周代漢遂以周乾祐四年即帝

位在位四年年六十一僭號世祖

二主鈞初名承鈞昊次子在位十二年年四十三諡

曰孝和皇帝僭號睿宗

天會十二

三主繼恩本姓薛氏父釗晉初為護聖營卒世祖女

生繼恩昊以鈞無嗣令養為己子已而世祖女

再適何氏生繼元未幾何死世祖女亦歿睿宗

復撫繼元為子帝立六十餘日為郭無為所弒

後主繼元鈞養子嗣位在位九年為宋所滅封彭城

郡公國亡

廣運六

全五代詩卷一

羅江李調元雨村編

梁

趙光逢

光逢字延吉京兆奉天人唐僕射隱之子乾符

五年登進士第拜御史中丞唐亡仕梁為中書

侍郎同中書門下平章事累遷左僕射進司徒

拜太保封齊國公五代史光逢少以文行知名時人稱其方直溫潤謂之下界尺

梁郊祀樂章

就陽位昇圜圻仰雙玉御大裘膺天命擁神休萬靈感

金五言 卷一  
百祿迺秉黃鉞建朱旗震八表清二儀帝業顯王道夷  
受景命啟皇基開九門懷百神通盼嚮接氤氳明塗薦  
廣樂陳奠嘉璧燎芳薪膺寶圖執左契德應天聖饗帝  
薦表衷荷靈惠壽萬年祚百世

慶和

惟德動天有感必通秉茲一德禋於六宗欽黃寶命恭  
肅禮容來顧來享永穆皇風  
天惟佑德辟乃奉天交感斯在昭事罔愆歲功已就王  
道無偏於焉報本是用告虔

慶順

聖皇戾止天步舒遲乾乾睿相穆穆皇儀進退必肅陟  
降是祗六變克協萬靈協隨

慶平

天命降鑒帝德惟馨享祀不忒禮容孔明奠璧布幣薦  
神獻精神祐以答敷錫永寧

羅紹威

紹威字端已魏州貴鄉人宏信之子梁初官魏  
博節度使封鄴王入朝累拜太師兼中書令謚

貞壯

壯夢瑣言鄴王羅紹威喜文學好儒士癖于七言詩江東羅隱  
為錢鏐客紹威申南阮之敬隱以所著文章詩賦酬寄紹威大

傾慕之乃目其所為詩集曰偷江東又有句云樓前澹  
澹雲頭日簾外蕭蕭雨脚風今鄴中人士多為風誦

柳

妝點青春更有誰  
青春常許占先知  
亞夫營畔風輕處  
元亮門前日暖時  
花密宛如飄六出  
葉繁何惜借雙眉  
交情別緒論多少  
好向行人贈一枝

白菊

雖被風霜競欲催  
皎然顏色不低摧  
已疑素手能妝出  
又似金錢未染來  
香散自宜飄綠酒  
葉交仍得蔭蒼苔  
尋思閉戶中宵見  
應認寒牕雪一堆

王鎔

鎔成德節度使庭奏之五世孫中和中襲位梁

受禪封趙王後為大將張文禮所滅

五代史鎔好左道鍊丹藥求長生

與道士王若訥留遊西山登王母祠使婦維錦繡牽持而上每出逾月忘歸相傳有哭趙州和尚詩

哭趙州和尚

師離灑水動王侯  
心印光潛塵尾收  
碧落霧羅松嶺月  
滄溟浪覆濟人舟  
一燈乍滅波旬喜  
雙眼重昏道侶愁  
縱是了然雲外客  
每瞻餅几淚還流

佛日西傾祖印墮  
珠沈丹沼影沈輝  
月敷丈室爐煙慘  
風起禪堂松韻微  
隻履乍來留化跡  
五天何處又逢歸  
解空弟子絕悲喜  
猶自潛然對雪幃

孫偓

僊字龍光武邑人乾寧中宰相仕梁同中書門

下平章事封樂安公

五代詩話僊曾乘輅至蜀訪杜光庭先生受錄乃曰嘗過至人話及時事每有

高樓之約爾後乃登宰輔竟出家于南岳有詩寄杜其要句云蜀國信難遇楚鄉路更愁我行同范蠡師舉劾浮邱他日相逢處多應在十洲白馬驛之祖惟僊免馬

荅門生王渙李德隣趙光允王拯長句

謬持文柄得時賢粉署清華次第遷昔歲策名皆健筆今朝稱職並同年各懷器業寧推讓俱上青霄肯後先何事老夫猶賦詠欲將酬和水留傳

贈南嶽僧全玘

窠居過後更何人傳得如來法印真昨日祝融峰下見

草衣便是雪山身

李琪

琪字台秀燉煌人昭宗時舉進士累官殿中侍

御史入梁為翰林學士末帝時拜同中書門下平

章事入唐加太子少傅

北夢瑣言梁李相國琪唐末以文學策名仕至御史昭宗播遷衣冠蕩析

因與宏農楊玘藏跡於荆楚間楊即源蜀琪相盤桓於夷道之清江自晦其迹號華原李長官其堂兄光符宰宜都營厭薄之琪相寂寞母臨流跋石摘樹葉而試草制詞吁嗟快帳而投於水中梁祖受禪徵入拜翰林學士尋登廊廟爾後宜都之子彬羈旅渚宮因省相國乃數屢父之所短而遣之全唐詩話琪有錄信宗幸蜀句云哀痛不下詔登封誰上書太平廣記日琪父佐王鐸幕琪十三鐸以漢祖三傑賦題試之大加稱獎他日總用謁鐸鐸曰適蜀中詔到用夏州拓跋思恭為京北收復都統可作一詩否即東筆立製鐸並奇之執琪手曰此真鳳毛也

奉試詔用拓拔思恭為京北收復都統

飛騎經巴棧鴻恩及夏臺將從天上去人自日邊來此處金門遠何時玉輦廻早平關右賊莫待詔書催

題廣愛寺楞伽上

善高天外遠方丈海中遙自有山神護應無劫火燒壞  
文侵古壁飛劍出寒霄何似蒼蒼色嚴妝十七朝

蕭 頊

項莆田人官侍郎梁初嘗同翁承贊為冊禮使

使閩梁末帝時拜同中書門下平章事

五代史梁征代四方所下詔書皆琪所為下筆輒得太祖意與蕭頊同為末帝宰相不相協琪所私吏尚得試官改試為守為頊所發末帝大怒為內侍趙巖等力

救乃罷為太子少保

贈翁承贊漆林書堂詩

軺車故國世應稀昔日書堂二紀歸手植松筠同茂盛  
身榮金紫倍光輝入門隣里喧迎接列坐兒童見等威  
却對芸窗勤苦處舉頭全是錦為衣

翁承贊

承贊字文堯閩人乾寧二年登進士第又擢宏

詞科任京兆府叅軍天祐元年以右拾遺受詔

冊王審知為王梁開平四年復為閩王冊禮副

使尋擢諫議大夫福建鹽鐵副使就加左散騎

常侍御史大夫留相閩卒所著有書錦集宏詞

前後集

竹窗雜錄承贊後失節為梁諫議大夫自號狎鷗翁有詩集一卷見唐書藝文志并書博學宏詞前後集共二十卷俱軼

不傳予家收得冊封閩王時律詩三十餘首中多佳句如窗含孤岫影  
牧卧斷霞陰早涼生戶牖孤月照閑河參差鴈陣天初碧零落漁家蓼  
欲紅長淮月上魚翻鬣荒渚人稀懶印蹄松多舊日門人種路是前朝  
釋子開誠晚唐作手也 總龜俗云槐花黃舉子忙翁承贊詩云雨中  
粧點望中黃勾引蟬聲送夕陽憶得當年隨計  
吏馬蹄終日為君忙乃知俗語亦有所自也

晨興

晨起竹軒外逍遙清興多早涼生戶牖孤月照閑河旅  
食甘藜藿歸心憶薜蘿一尊如有地放意且狂歌

題莒潭安閩院

桃宗營祀舍幽異勝珠林名士穿雲訪飛禽傍竹吟

含孤岫影牧臥斷霞陰景福滋閩壤芳名亘古今

訪建陽馬驛僧亞齊

蕭蕭風雨建陽溪溪畔維舟訪亞齊一軸新詩劍潭北  
十年舊識華山西吟魂惜向江村老空性元知世路迷  
應笑乘輶青瑣客此時無暇聽猿啼

題景祥院

一溪拖碧遶崔嵬瓶鉢偏宜向此隈農罷樹陰黃犢臥  
齋時山下白衣來松多往日門人種路是前朝釋子開  
三卷貝多金粟語可能心煉得成灰

寄舍弟承裕員外



江花岸草晚萋萋公子王孫思合迷無主園林饒採伐  
忘情鷗鳥恣高低長江月上魚翻鬣荒圃人稀獺印蹄  
何事斜陽再回首休愁離別峴山西

文明殿受冊封閩王

龍墀班聽漏聲長竹帛昭勳撲御香鳴佩洞庭辭帝主  
登車故里冊閩王一千年改江山瑞十萬軍蒙雨露光  
吟寄短篇追往事留文功業不尋常

御命歸鄉蒙賜錦衣

九重宣旨下丹墀面對天顏賜錦衣中使擎來三殿曉  
寶箱開處五雲飛德音耳聆君恩重金印腰懸已力微

更待臨軒陳鼓吹星軺便指故鄉歸

天祐元年以右拾遺使冊閩王而作

蓬萊宮闕曉光勻紅案昇麻降紫宸鸞奏八音諧律呂  
鳳銜五色顯絲綸蕭何相印鈞衡重韓信齋壇雨露新  
得侍丹墀官異寵此身何幸沐恩頻

晨興

鼓絕天街冷露收曉來風景已堪愁槐無顏色因經雨  
菊有精神為傍秋自愛鮮飈生戶外不教閑事任心頭  
披襟徐步一蕭灑吟繞盆池想狎鷗

漢上登舟憶閩

漢臯亭畔起西風半挂征帆立向東  
久客自憐歸路近  
箕程不怕酒觴空參差雁陣天初碧  
雲落漁家蓼欲紅  
一片歸心隨去櫂願言指日拜文翁

對雨述懷示弟承檢

淋漓霽霽結秋霖欲使秦城歎陸沈  
曉勢遮回朝客馬  
夜聲滴破旅人心青苔重疊封顏巷  
白髮蕭疎引越吟  
不有惠連同此景江南歸思幾般深

華下霽後曉眺

結茅幽寂近禪林霽景烟光著柳陰  
千嶂華山雲外秀  
萬重鄉思望中深老嫗白髮還偷鑷  
貧對春風亦強吟

花畔水邊人不會騰騰閑步一披襟

喜弟承檢登科

兩篇佳句敵瓊瑰憐我三清道路開  
荆璞獻多還得售  
桂堂恩在敢輕回花繁不怕尋香客  
榜到應傾賀喜杯  
知爾苦心功業就早攜長策出山來

蒙閩王改賜鄉里

鄉名文秀里光賢別向釣台造化權  
閩閱便因今日貴  
德音兼與後人傳自從受賜身無力  
向未酬恩骨肯鑄  
歸闕路遙心更切不嫌扶病倚旌旄

奉使封閩王歸京洛

泥緘紫誥御恩光信馬嘶風出洛陽此去願言歸梓里  
預凭魂夢展維桑客程回首瞻文陛驛路乘軺憶故鄉  
指日還家堪自重恩榮畫錦賀封王

奉使封王次宜春驛

微宦淹留鬢已斑此心長憶舊林泉不因列土封千乘  
爭得銜恩拜二天雲斷自宜鄉樹出月高猶伴客心懸  
夜來夢到南臺上徧看江山勝往年

甲子歲銜命到家至榕城冊封次日聞王降旌旗  
於新豐市堤餞別

登庸樓上方停樂新市堤邊又舉杯正是離情傷遠別

忽聞台旨許重來此時暫與交親好今日還將簡冊回  
爭得長房猶在世縮教地近釣魚臺

寄示兒孫

力學燒丹二十年辛勤方得遇真仙便隨羽客歸三島  
旋聽霓裳適九天得路自能酬造化立身何必戀林泉  
子家藥鼎分明在好把仙方次第傳

題壺山

井邑斜連北蓬瀛直倚東秋高巖溜白日上海波紅  
題故居

一為鵝子二蓮花三望青湖四石斜惟有嶺湖居第五

山前却是宰臣家

題槐

雨中妝點望中黃  
句引蟬聲送夕陽  
憶得當年隨計吏  
馬蹄終日為君忙

擢進士

霓旌引上大羅天  
別領新銜意自憐  
蝴蝶流鶯莫先去  
滿城春色屬群仙

擢探花使三首

洪崖差遣探花來  
檢點芳叢飲數杯  
深紫濃香三百朵  
明朝為我一時開

九重烟暖折槐芽  
白是昇平好物華  
今日始知春氣味  
長安虛過四年花

探花時節日偏長  
恬淡春風稱意忙  
每到黃昏醉歸去  
紵衣惹得牡丹香

書齋漫興二首

池塘四五尺深水  
籬落兩三般樣花  
過客不須頻問姓  
讀書聲裡是吾家

官事歸來衣雪埋  
兒童燈火小茅齋  
人家不必論貧富  
惟有讀書聲最佳

辭閩王歸朝寄俛先輩

時人莫訝再還鄉  
簡冊分明劍佩光  
駟馬高車太常樂  
登庸門下憶賢良

曉望

清霜散漫似輕嵐  
玉闕參差萬象涵  
獨上秦臺最高處  
舊山依約在東南

萬壽寺牡丹

爛熳香風引貴遊  
高僧移步亦遲留  
可憐殿角長松色  
不得王孫一舉頭

松

倚澗臨溪自展蟠  
雪花銷盡蘚花乾  
幽枝好折為談柄

入手方知有歲寒

柳

斜拂中橋遠映樓  
翠光駘蕩曉烟收  
洛陽才子多情思  
橫把金鞭約馬頭

高出營門遠出牆  
朱闌門閉綠成行  
將軍宴罷東風急  
閑襯旌旗簇畫堂

彭澤先生酒滿船  
五株栽向九江邊  
長條細葉無窮盡  
管領春風不計年

煬帝東遊意緒多  
宮娃眉翠兩相和  
一聲水調春風暮  
千里交陰鎖汴河

纏繞春情卒未休秦娥蕭史兩相求玉句闌內朱簾卷  
瑟瑟絲籠十二樓

春半烟深汴水東黃金絲軟不勝風輕籠行殿迷天子  
拋擲長安似夢中

狄歸昌

歸昌官侍郎光化中歷尚書左丞梁初卒

題馬嵬驛

馬嵬煙柳正依依重見鑾輿幸蜀歸泉下阿蠻應有語  
這回休更怨楊妃

羅袞

袞字子制臨邛人大順中歷左拾遺起居郎仕

梁為禮部員外郎

北夢瑣言袞應舉值喪亂備歷飢寒不歸蜀王建致書中朝求書記衆欲以袞應袞曰誓

擁馬通火服弊衣以俟升朝無復西歸為魯國東家印也後果如所願唐音戊籤韓全誨之誅袞追理劉蕡策不卑用昭宗以弒崩袞與蕡相駁謚號溢美肆詆誣議文出袞手並希全忠旨也事詳蕡傳及哀紀 撫言羅隱梁開平中東徵夕郎不起袞以小天倅大秋姚公使兩浙袞以詩贈羅隱云云

贈羅隱

平日時風好流涕讒書雖盛一名休寰區歎屈瞻天問  
夷貊聞詩過海求向夕便思青瑣拜近年尋伴亦松遊  
何當世祖從人望早以公台命卓侯

清明尋水寺居

榆火輕煙處處新旋從閑望到諸隣浮生浮世祇多事

全五代詩

卷一

梁

十一

野水野花娛病身濁酒不禁雲外景碧峰猶冷寺前春  
蓑衣毳衲誠吾黨自結村園一社貧

清明登奉先城樓

年來年去只艱危春半禿山草尚衰四海清平耆舊見  
五陵寒食小臣悲烟銷井邑隈樓檻雪滿川原泥酒卮  
拭盡賈生無限淚一行歸雁遠參差

于競

競仕梁為吏部侍郎中書門下兼翰林學士承

旨

圖畫見聞志梁相國于競善畫牡丹幼年從學觀檻中牡丹盛開乃  
命筆做之不決旬奪真美後遂酷思無倦動必增奇有人贈詩云看  
時人步遊展處境爭來有  
寫生全本折枝傳于世

瑯琊王祠碑銘

日月麗天舟楫濟川內外克人股肱惟賢淮水長清緱  
嶺方寧慶隨祚遠材為時生伯氏雄特泉人仰德求瘼  
斯勤頒條有則冠軍被疾付以師律政教翕張士庶寧  
謐懿被閩越師實英傑地列周封心馳魏闕聖澤汪洋  
元戎啟行有典有則為龍為光高懸秦鏡理道自靜比  
屋懷仁連營稟令航海梯山貢奉循環務其輸委母憚  
險艱周征之術公田什一約以有程守而勿失輕徭薄  
賦謳歌載路高掩龔黃遐追召杜鄉校皆逝童蒙來求  
雅道靡靡儒風優優惟虺吹毒久依山谷罔恣陸梁竟

全五代詩 卷一  
忻柔服法寶梵宇勝因所主崇構斯精福慶攸聚佛齊  
諸國綏之以德架浪自東驅山拱北隊簡遺編繕寫精  
研麟臺轟爾武觀森然畚鍤其勤雉堞連雲永制爾敵  
用壯我軍閑譏不稅水陸無滯遐邇懷來商旅相繼黃  
崎之勞神改驚濤後靈祇力保千萬艘劉驥荀龍墳麓  
雍雍維邦維翰以侯以公元帥梁王武步龍驤挺彼七  
德削平四方公能事大推心斯在風雨無渝歲寒不改  
殊勛茂績盡瘁宣力國之丹青邦之柱石位冠台鼎任  
隆兵柄重以徽寵分頒異姓優詔銘功萬古英風貞珉  
是勒垂之無窮

王瓚

瓚仕梁為開封尹

冬日與群公泛舟焦山

江外水初凍今年寒復遲衆芳且未歇近臘乃袂衣載  
酒適我情興來趣漸微方舟大川上環酌對落暉兩片  
青石稜波際無因依三山安可到欲到風引歸滄溟壯  
觀多心目豁暫時况得窮日夕乘槎何所之

朱褒

褒永嘉人善屬詩文值寇亂據州以同姓結援



梁太祖奏授温州刺史充静海軍使

悼楊氏妓琴弦

魂歸寥廓魄歸泉只住人間十五年昨日施僧裙帶上  
斷腸猶繫琵琶弦

劉 贊

贊桂陽人宰相瞻之子擢進士仕梁充崇政殿

學士

十國春秋故唐宰相劉瞻者李殷衡姊婿也有子贊幼孤而性不慧殷衡教之讀書每督以筆楚不進一夕贊遁入嵩山遇白衣叟語之曰與汝開心聰明必過人十倍自是日誦一卷兼有文薄俄登進士第梁時充崇政學士猶數數念殷衡不忘亦一異云

贈羅隱

人皆言子屈獨我謂君非明主既難謁青山何不歸年

虛侵雪鬢塵枉汚麻衣自古逃名者至今名豈微

張 袞

袞仕梁

梁郊祀樂章

烟燎昇禮容徹誠感達人神悅靈貺彰聖情結玉座寂

金鑪歇

慶和

恭祀上帝于國之陽爵醴是荷鴻基永昌

慶隆

導和氣兮襲氤氳宣皇規兮彰聖神服遐裔兮敷質文

格苗扈兮息烟塵

慶融

邁豆簞簋黍稷非馨懿茲爨器厥德惟明金石匏革以

全五代詩

卷一

梁

十五

和以平由此無疆期乎永寧慶肅

哲后躬享旨酒斯陳王恭無斃嚴祀惟寅皇祖以配大

孝以振宜錫景福永休下民慶熙

大業來四夷仁風和萬國白日體無私皇天輔有德七

旬罪已服六月師方克偉哉帝道隆終始常作則慶休

李京

京梁貞明六年登第

除夜長安作

長安朔風起窮巷掩雙扉新歲明朝是故鄉何路歸鬢  
絲鏡鏡色隙雪奪燈輝却羨秦州雁逢春盡北飛

戴司顏

司顏登大順進士第官太常博士梁初卒撫言景福中江

西節度使鍾傳遣僧從約進法華經一千部上待之恩渥有加宣從約  
入內賜齋面錫紫衣一副將行太常博士戴司顏以詩贈行畧曰遠來  
朝鳳闈歸去戀元侯時吳子華任中諫司顏仰公之名志在屬和以為  
從約之資融覽之拊掌大笑曰遮阿師更不要見便把拽出其承奉  
如此矣

江上雨

非不欲前去此情非自由星辰照何處風雨送涼秋寒  
鎖空江夢聲隨黃葉愁蕭蕭猶未已早晚去蘋洲

塞上

空蹟畫蒼茫沙腥古戰場逢春多霰雪生計在牛羊冷

角吹鄉淚乾榆落夢牀從來山水客誰謂到漁陽

褚載

載字厚之登乾寧進士第

紀事陸威為郎官載以文投獻犯其家諱威因嬰然載尋以戲

致謝曰曹興之圖畫雖精終誤筆殷浩之矜持太過翻達空函海錄碎事載有句云相逢多是醉醺然應有囊中子母錢又云有興欲沽紅麴酒無人同上翠旌樓又月詩云星斗離披煙靄收玉蟾蜍耀海東頭又送道士云鹿胎冠子水晶簪長嘯歌眠紫桂陰又云躑躅馬搖金絡腦嬋娟人墜玉搔頭又云狂歌放飲渾成性知道道遙出俗籠又云除却洛陽才子賈更誰封恨弔懷沙又云蓮浦浪澄堪倚釣柳堤風暖好垂鞭又少年行云上馬等閒銷白日出門輕薄倚黃金

投節度邢公

西風昨夜墜紅蘭一宿郵亭事萬般無地可耕歸不得  
有恩堪報死何難流年怕老看將老百計求安未得安

一卷新書滿懷淚頻來門館訴饑寒

詩史載家至貧客梁宋間困甚以詩投襄陽節度使

邢君牙云君牙贈絹十疋薦于鄭滑辟支使不行明年裴贄知貢舉君牙薦之擢第

賀趙觀文重試及第

唐音戊籤案文乾寧二年崔凝下第八人登第是年命陸扈重試而觀文為榜首事詳

貞白下

一枝仙桂兩回春始覺文章可致身已把色絲要上第  
又將彩筆冠羣倫龍泉再淬方知利火浣重燒轉更新  
人日街頭看御榜大能榮耀苦心人

贈道士

簪星曳月下蓬壺曾見東臯種白榆六甲威靈藏瑞檢  
五龍雷電繞霜都惟教鶴探丹邱信不使人窺太乙爐

聞說葛陂風浪惡許騎青鹿從行無

城邑臣

鄴城高門倚天九重蹤蹟尚依然須知道德無關鎖  
一閉乾坤一萬年

陳倉驛

錦翼花冠安在哉雄飛雌伏盡塵埃一雙童子應惆悵  
不見真人更獵來

長城

秦築長城比鐵牢蕃戎不敢過臨洮馬知萬里連雲色  
不及堯階三尺高

弔秦叟

市西樓店金千稱渭北田園粟萬鍾兒被殺傷妻被虜  
一身隨駕到三峯

雲

盡日看雲首不回無心都大似無才可憐光彩一片玉  
萬里晴天何處來

鶴

欲洗霜翎下澗邊卻嫌菱刺污香泉沙鷗浦鴈應驚訝  
一舉扶搖直上天

趙光遠

光遠華州刺史騰之子不第終韋莊奏贈官

咏手二首

妝成皓腕洗凝脂背接紅巾掬水時薄霧袖中拈玉笋  
斜陽屏上撚青絲喚人急拍臨前檻摘杏高擡近曲池  
好是琵琶弦畔見細圓無節玉參差

撚玉搓瓊軟復圓綠窻誰見上琴弦慢籠彩筆閑書字  
斜指瑤階笑打錢爐面試香添麝炷舌頭輕點貼金鈿  
象床珍簟宮棋處拈定文楸占角邊

題妓萊兒壁

魚鑰獸環斜掩門萋萋芳草憶王孫醉凭青瑣窺韓壽

開擲金梭惱謝鯤不夜珠光連玉匣辟寒釵影落瑤簪  
欲知腸斷相思處役盡江淹別後寬

孫祭

祭字文威歷官御史翰林學士中書舍人梁初  
不仕自號無為居士著有北里志

全唐詩話祭常云  
泰娘北曲內小家中  
門前一樗樹年齒甚妙粗有容色以居非其所人不知之余過其舍題  
詩云同遊聞之詰朝詣之者結駟于門矣詩云尋常凡木最輕樗今  
日尋樗桂不如漢高新破  
咸陽後英俊奔波遂喫虛

贈妓人王福娘

絲翠仙衣紅玉膚輕盈年在破瓜初霞杯醉勸劉郎賭  
雲鬢慵邀阿母梳不怕寒侵綠帶寶每憂風舉倩持裾

謾圖西子晨粧樣西子元來未得如

題北里妓人壁

移壁迴窻費幾朝指鏤偷解博紅栴無端鬪草輸鄰女  
更被拈將玉步搖

寒繡衣裳餉阿嬌新團香獸不禁燒東鄰起樣裙腰潤  
刺感黃金線幾條

試共卿卿語笑初畫堂連遣侍兒呼寒肌不耐金如意  
白獺為膏郎有無

戲李文遠

引君來訪洞中仙新月如眉拂戶前領取嫦娥攀取桂

便從陵谷一時遷

全五代詩卷二

羅江李調元雨村編

梁

杜荀鶴

荀鶴字彥之池州人有詩名自號九華山人大  
順二年第一人擢第復還舊山宣州田頔遣至  
汴通好朱全忠厚遇之表授翰林學士王客員  
外郎制誥卒自序其文為唐風集十卷

洞微志荀鶴謁梁高

祖忽無雲而雨溫曰無雲而雨謂之天泣不知何祥請賦詩荀鶴曰同是乾坤事不同雨絲飛灑日輪中若教陰顯都相似爭表梁王造化工

溫喜之

輟耕錄荀鶴詩遇亂云握手相看誰敢言云云今日始信其非寓言也

宣和書譜荀鶴詩辭句切理有舉鞭揮柳色隨手失蟬聲

梁

一

之句為詩所稱書有譜唐風 後村詩話荀鶴詩敗春祇愛和醋酒諱  
 老猶看夾注書放翁云膽薄沾官曠昏讀野書二聯佳句 捫蝨新  
 話荆公常讀荀鶴詩云江湖不見飛禽影岩谷惟聞折竹聲改云宜作  
 禽飛竹折 唐詩紀事荀鶴有云舊衣灰絮絮新酒竹聲又有句  
 云風暖鳥聲碎日高花影重又曉來山鳥鬧雨過杏花香皆佳句也 顧  
 雲序略云生及第之明年寧親江表以僕故山僧隱者出詩三百篇見  
 簡其雅麗清省激越之句能使貪吏廉邪臣正父慈子孝兄弟悌  
 人倫之紀倫矣其壯語大言則決起逸發可以左攬工部袂右拍翰  
 林肩吞賈喻八九於胸中曾不帶介或情動於中則極思冥搜神遊希  
 夷形兀枯木五聲勞於呼吸萬象資於抉剔信詩之雄傑者也 方回  
 云荀鶴律詩多是頌聯作一串頌體物 唐音戍戴荀鶴以正月初  
 日生登第于大順二年時已四十六歲放榜亦正月初十日也故王希  
 羽贈詩有金榜曉懸生世日玉書潛記上丹時之句或云荀鶴是杜紫  
 薇之子紫薇會昌末自齊安移守秋浦時妾有姪出嫁杜筠而生云

春宮怨

早被嬋娟誤  
 妝臨鏡慵承恩  
 暖鳥聲碎日  
 宜花影重年  
 年越

贈盧嶽隱者

自見來如此未嘗離洞門  
 結茅遮雨雪採藥給晨昏  
 古樹藤纏殺春泉鹿過渾  
 悠悠無一事不似屬乾坤

題會上人院

鼓角城中寺師居日得閑  
 必能行大道何用在深山  
 破衲新添線空門夜不關  
 心知與眼見終取到無間

送黃補闕南遷

得罪非天意分明謫去身  
 一心貪諫主開口不防人  
 自古有遷客何朝無直臣  
 喧然公論在難滯楚南春

送賓貢登第後歸海東



歸捷中華第登船鬢未絲直應天上桂別有海東枝國  
界波窮處鄉心日出時西風送君去莫慮到家遲

近試投所知

白髮隨梳落吟懷說向誰敢辭成事晚自是出山遲擬  
動如浮海凡言似課詩終身事知己此外復何為

送友人牧江州

本國兵戈後難官在此時遠分天子命深要使君知但  
遂生靈願當應雨露隨江山勝他郡閑賦庾樓詩

辭座主侍郎

一飯尚懷感况攀高桂枝此恩無報處故國遠歸時祇

恐兵戈隔再趨門館遲茅堂拜親後特地淚雙垂

別從叔

立馬不忍上醉醒天氣寒都緣在門易直似別家難世  
路既如此客心須自寬江村亦飢凍爭及問長安

送人南遊

凡遊南國者未有不蹉跎到海路難盡挂帆人更多潮  
沙分象跡花洞響蠻歌縱有投文處於君能幾何

經賈島墓

謫官自麻衣銜冤至死時山根三尺墓人口數聯詩仙  
桂終無分皇天似有私暗松風雨夜空使老猿悲

送舍弟

我受羈縲慣客情方細好看前路事不比在家時勉  
汝言須記聞人善即師旅中無廢業時作一篇詩

將歸山逢友人

洞春詩話唐人虛字押韻如元正薄命知然也深交有以乎陳思溫甯勝悲者推賢見射乎楚南鶴云云

儒為君子儒儒道不妨孤白髮多生矣青山可住乎  
狂寧是事巧達又非夫祇此平生願他人肯信無

經九華費微君墓

凡弔先生者多傷荆棘間不知三尺墓高却九華山  
地有何外子孫無亦閑當時若微起未必得身還

與友人對酒吟

憑君滿酌酒聽我醉中吟客路如天遠侯門似海深  
新墳侵古道白髮戀黃金共有人間事須懷濟物心

送九華道士遊茅山

忽起地仙興飄然出舊山於身無切事在世有餘閑  
日月浮生外乾坤大醉間故園華表上誰得見君還

寄舍弟

世亂信難通鄉心日萬重弟兄皆嚮善天地合相容  
大野陰雲重連城殺氣濃家山白雲裡臥得最高峰

下第投所知

若以名場內誰無一軸詩縱饒生白髮豈敢怨明時  
知

已雖然切春官未必私寧教讀書眼不有看花期  
寄顧雲

省得前年別蘋洲旅館中亂離身不定彼此信難通  
侯國兵雖斂吾鄉業已空秋來憶君夢夜夜逐征鴻  
望遠

門前通大道望遠上高臺落日人行盡窮邊信不來  
還聞戰得勝未見救招回却入機中坐新愁織不開

冬末投長沙裴侍郎

欹露塵中事其如不易言  
家山一離別草樹匝春喧  
吹夢風天角啼愁雪獄猿  
佇思心覺滿何以遠門軒

贈秋浦金明府長

倚郭難為宰非君即有私  
惟憑野老口不立政聲碑  
苦甚求名日負於未選時  
溪山竟如此利得且吟詩

亂後山中作

自從天下亂日晚別庭闈  
兄弟團團樂羈孤遠近歸  
文章甘世薄耕種喜山肥  
直待中興後方應出隱扉

旅寓書事

日日驚身事悽悽欲斷魂  
時清不自立髮白傍誰門  
中路殘秋雨空山一夜猿  
公何見面懷抱細難言

長林山中聞賊退寄五府

一縣今如此殘民數不多也知賢宰切爭柰亂兵何  
自干戈連歲思雨露和應憐住山者頭白未登科

泗上客思

痛飲復高歌愁終不奈何家山隨日遠身事逐年多  
沒鴈雲橫楚蠲蟬柳夾河此心閑未得到處被詩磨

寄同人

盡與貧為患唯余即不然四方無靜處百口度荒年  
白髮生閑事新詩出數聯時情竟如此不免却歸田

下第出關投鄭拾遺

丹青桂有枝未折未為遲况是孤寒士兼行苦澀詩  
杏

園人醉日閑路獨歸時更下深知意將來擬薦誰

別敬侍郎

交道有寒暑在人無古今與君中夜話盡我一生心  
所向未得志豈惟空解吟何當重相見舊隱白雲深

送青陽李明府

善政無慙色吟歸似守閑惟將六幅絹寫得九華山  
求理頭空白離京債未還仍聞猿與鶴都在一船間

將遊湘湖有作

一家相別意不得不潸然遠作南方客初登上水船  
嶽鐘思冷夢湘月少殘篇便有歸來計風波亦隔年

送姚庭珪

脫衣將換酒對酌話何之  
雨後秋蕭索天涯晚別離  
人生無此恨鬢色不成絲  
未得重相見看君馬上詩

貽里中同志

鄉里為儒者唯君見我心  
詩書常共讀雨雪亦相尋  
貧賤志氣在子孫交契深  
古人猶晚達况未鬢霜侵

江上送韋彖先輩

不易為離抱江天即見鴻  
暮帆何處落涼月與誰同  
木葉新霜後漁燈夜浪中  
時難慎行止吾道利于窮  
維揚逢詩友張喬

天下方多事逢君得話詩  
直應吾道在未覺國風衰  
生計吟消日人情醉過時  
雅篇三百首留作後來師

秋晨有感

木葉落時節旅人初夢驚  
鐘才枕上盡事已眼前生  
吟髮不長黑世交無久情  
且將公道約未忍便歸耕

秋日山中寄李處士

吾輩道何窮寒山細雨中  
兒童書懶讀果栗樹將空  
言論閑時務篇章見國風  
昇平猶可用應不廢為公

山中貽同志

君貧我亦貧為善喜為隣  
到老如今日無心媿古人  
閑

門非傲世守道是謀身別有同山者其如未可親  
秋日懷九華舊居

吾道在五字吾身寧陸沈涼生中夜雨病起故山心燭  
共寒酸影蛩添苦楚吟何當遂歸去一徑入松林

經青山弔李翰林

何為先生死先生道日新青山明月夜千古一詩人天  
地空銷骨聲名不傍身誰移耒陽冢來此作吟隣

送人宰吳縣

海漲兵荒後為官合動情字人無異術至論不知清草  
履隨船賣綾梭隔水鳴唯持古人意千里贈君行

讀友人詩

君詩通大雅吟覺古風生外却浮華景中含教化情名  
應高日月道可潤公卿莫以孤寒恥孤寒達更榮

辭九江李郎中入闕

帝里無相識何門跡可親願開言重口薦與分深人卷  
許新詩出家憐舊業貧今從九江去應免更迷津

江南逢李先輩

李杜復李杜彼時逢此時干戈侵帝里流落向天涯歲  
月消於酒平生斷在詩懷才不得志祇恐滿頭絲

秋日寄吟友

金五仙詩 卷二  
閑坐細思量唯吟不可忘食無三畝地衣絕一株桑蟬  
樹生寒色漁潭落曉光青雲舊知己未許釣滄浪

江上與從弟話別

相逢盡說歸早晚遂歸期流水多通處孤舟少住時干  
人不得已非我欲為之及此終無媿其知道在茲

送友人遊南海

南海南邊路君遊祇為貧山川多少地郡邑幾何人花  
鳥名皆別寒暄氣不均相期早晚見莫待瘴侵身

贈聶尊師

詩道將仙分求之不可求非閑從小學應是數生脩蟾

桂雲梯折鰲山鶴駕遊他年兩成事堪喜是隣州

旅感

白髮根叢出鑷頻愁不開自憐空老去誰信苦吟來客  
路東西濶家山早晚回翻思釣魚處一雨一層苔

寄益陽武灌明府

縣稱詩人理無嫌日寂寥溪山入城郭戶口半漁樵月  
滿彈琴夜花香漉酒朝相思不相見烟水路迢迢

湘中秋日呈所知

四海無寸土一生惟苦吟虛垂思鄉淚不滴別人心雨  
色凋湘樹灘聲下塞禽求歸歸未得不是擲光陰

閩中別所知

觸目生歸思那堪路七千  
臘中離此地馬上見明年  
郡邑溪山巧寒暄日月偏  
自疑雙鬢雪不似到南天

哭友人

病向名場得終為善誤身  
無兒承後嗣有女托何人  
葬禮難求備交情好者貧  
惟餘舊文集一覽一沾巾

新栽竹

斲破蒼苔色因栽十數莖  
窗風從此冷詩思當時清  
酒入杯中影棋添局上聲  
不同桃與李瀟灑伴書生

送吳蛻下第入蜀

下第言之蜀那愁舉別杯  
難兄方在幕上相復憐才  
烏徑盤春雷龍湫發夜雷  
臨印無久戀高桂待君回

亂後歸山

亂世歸山谷征聲喜不聞  
詩書猶滿架弟姪未為軍  
山犬眠紅葉樵童唱白雲  
此心非此志終擬致明君

題著禪師

大道本無幻常情自有魔  
人皆迷著此師獨悟如何  
為岳開窗潤因蟲長草多  
說空空說得空得到維摩

春日閑居即事

未得青雲志春同秋日情  
花開如葉落鶯語似蟬鳴  
道



合和貧守詩堪與命爭飢寒是吾事斷定不歸耕  
亂後再逢汪處士

如君真道者亂世有閑情每別不知處見來長後生  
非因病服酒不為愁傾笑我於身苦吟髭白數莖

山中喜與故文宿話

遠地能相訪何慙事力微山中深夜坐海內故交稀  
村酒沽來濁溪魚釣得肥貧家只如此未可便言歸

觀碁

對面不相見用心同用兵算人常欲殺顧已自貪生  
得勢侵吞遠乘危打劫贏有時逢敵手當局到深更

送人宰德清

亂世人多事耕桑或失時不聞寬賦斂因此轉流離  
天意未如是君心無自欺能依四十字可立德清碑

寄竇處士

漳水醉中別今來猶未醒半生因酒廢大國幾時寧  
海畔將軍柳天邊處士星遊人不可見春入亂山青

題歷山舜祠

山有廟呼為帝二子  
多變妖異為時所敬

昔舜曾耕地遺風日寂寥世人那肯祭大聖不興妖  
殿宇秋霖壞杉松野火燒時訛競淫祀絲竹醉山魈

和吳太守罷郡山村偶題二首

罷郡饒山興村家不惜過官情隨日薄詩思入秋多野  
獸眠低草池禽浴動荷眼前餘政在不似有干戈  
快活田翁輩常言化育時縱饒稽歲月猶說向孫兒茅  
屋梁和節茶盤果帶枝相傳終不忘何必立生祠

亂後送友人歸湘中

家枕三湘岸門前即釣磯漁竿壯歲別鶴髮亂時歸岳  
暖無猿叫江春有燕飛平生書劍在莫便學忘機

送紫陽僧歸廬岳舊寺

紫衣明主贈歸寺感先師受業恩難報開堂影不知松  
風敲枕夜山雪下樓時此際無人會微吟復歛眉

塞上傷戰士

戰士說辛勤書生不忍聞三邊遠天子一命信將軍野  
火燒人骨陰風捲陣雲其如禁城裏何以重要勳

春日訪獨孤處士

地僻春來靜深宜長者居好花都待晚脩竹不妨疎鴈  
入湘江食人侵曉色鋤似君無學處頭白道如初

秋宿棲賢寺懷友人

一宿三秋寺閑忙與曉分細泉山半落孤客夜深聞鶴  
去巢盛月龍潛穴擁雲苦吟方見景多恨不同君

訪道者不遇

寂寂白雲門尋真不遇真祇應松上鶴便是洞中人藥  
圃花香異沙泉鹿跡新題詩留姓字他日此相親

送人遊吳

君到姑蘇見人家盡枕河古宮閑地少水港小橋多夜  
市賣菱藕春船載綺羅遙知未眠月鄉思在漁歌

送陳昉歸麻川

麻川清見底似入武陵溪兩岫山相向三春鳥亂啼酒  
旗和柳動僧屋與雲齊即此吾鄉路懷君夢不迷

出山

病眼看春榜文場公道開朋人登第盡白髮出山來處

世曾無過惟天合是媒長安不覺遠期遂一名迴

浙中逢詩友

到處有同人多為賦與文詩中難得友湖畔喜逢君凍  
把城根雪風開嶽面雲苦吟吟不足爭忍話離群

送友遊吳越

去越從吳過吳疆與越連有園多種橘無水不生蓮夜  
市橋邊火春風寺外船此中偏重客君去必經年

出常山界使回有寄

自小即南土未如今日離封疆初盡處人使却回時開  
口有所忌此心無以為行行復垂淚不見是男兒

經廢宅

人生當貴盛脩德可延之不慮有今日爭教無破時  
辭斑題字壁花發帶巢枝何況高原上荒墳與折碑

登天台寺

一到天台寺高低景旋生共僧巖上坐見客海邊行  
野色人耕破山根浪打鳴忙時向閑處不覺有閑情

途中春

馬上覽春色丈夫慙淚垂一生看却老五字未逢知  
酒力不能久愁根無可醫明年到今日公道與誰期

入閔歷陽道中却寄舍弟

求名日苦辛日望日榮親落葉山中路秋霖馬上人  
晨昏知汝道詩酒衛吾身自笑拋麋鹿長安擬醉春

贈歐陽明府

賢宰宰斯邑政聞閭里間都緣民訟少長覺吏徒閑  
帆落樽前浦鐘鳴枕上山回舟却惆悵數宿釣魚灣

贈臨上人

不計禪蕙律終須入悟門解空非有自所得是無言  
眼豁浮生夢心登大道源今來習師者多鏤教中猿

題戰島僧居

在江之心

師愛無塵地江心島上居接船求化慣登陸赴齋踈載

全五代詩 卷二  
土春栽樹拋生日餒魚入雲蕭帝寺畢竟欲何如

別衡州牧

朝別使君門暮投江上村從來無舊分臨去望何恩行  
計自不定此心誰與論秋猿叫寒月祇欲斷人魂

送人遊江南

滿酌勸君酒勸君君莫辭能禁幾度別即到白頭時晚  
岫無雲蔽春帆有燕隨男兒兩行淚不欲等閑垂

遊茅山

步步入山門仙家鳥徑分漁樵不到處麋鹿自成群石  
面迸出水松頭穿破雲道人星月下相次禮茅君

讀友人詩卷

冰齒味瑤軸祇應神鬼知坐當群靜後吟到月沈時雪  
峽猿聲健風檉鶴立危篇篇一字字誰復更言詩

寄從叔

三族不當路長年猶布衣苦吟天與性直道世將非鴈  
夜愁癡坐漁鄉老憶歸為儒皆可立自是拙時機

寄李溥

如我如君者不妨身晚成但從時輩笑自得古人情共  
莫更初志俱期立後名男兒且如此何用歎平生

郊居即事投李給事

無祿奉晨昏閑居幾度春江湖苦吟士天地最窮人書  
劍同三友蓬蒿外四隣相知不相薦何以自謀身

寄詩友

別來春又春相憶喜相親與我為同志如君能幾人何  
時吟得力漸老事閑身惟有前溪水年年濯客塵

題田翁家

田翁真快活婚嫁不離村州縣供輸罷追隨鼓笛喧  
簞殮同老少家計共田園自說身無事應官有子孫

長安冬日

近臘饒風雪閑房凍坐時書生教到此天意轉難知吟

苦猿三叫形枯柏一枝還應公道在未忍與山期

霽後登唐興寺水閣

一雨三秋色蕭條古寺間無端登水閣有處似家山白  
日生新事何時得暫閑將知老僧意未必戀松閑

山中寄友人

深山多隙地無力及耕桑不是營生拙都緣覓句忙破  
窗風翳燭穿屋月侵牀吾友應相笑辛勤道未光

自述

四海欲行遍不知終過誰用心常合道出語或傷時擬  
作閑人老慙無識者嗟如今已無計祇得苦于詩

全五代詩 卷二  
題江山寺

江上山頭寺景留吟客船  
遍遊銷一日重到是何年  
沙鳥多翹足巖僧半露肩  
為詩多語澀喜此得終篇

秋日旅舍臥病呈所知

秋色上庭枝愁懷切  
向誰青雲無勢日華髮有狂時  
枕上聞風雨江南繫別離  
如何吟到此此道不聞知

秋宿山館

山館坐待曉夜長  
吟役神斜風吹敗葉  
寒燭照愁人  
蘊蓄天然性澆訛  
世惡真男兒出門志不獨為謀身

贈老僧

衆僧尊夏臘靈嶽遍曾登  
度水手中杖行山溪畔藤  
心空默是印着白雪為稜  
自得巡方道植禪老未能

別舍弟

欲住住不得出門天氣秋  
惟知偷拭淚不忍更回頭  
此日祇愁老况身方遠  
遊孤寒將五字何以動諸侯

雪中別詩友

酒寒無小戶請滿酌行杯  
若待雪消去自然春到來  
出城人跡少向暮鳥聲哀  
未遇應閑命侯門處處開

題嶽麓寺

一簇楚江山江山勝此難  
覓人來畫取到處得吟看  
鶴

隱松聲盡魚沈檻影寒  
自知心未了閑話亦多端

懷廬獄書齋

長憶在廬獄免低塵土  
顏煮茶窗底水採藥屋頭山  
是境皆遊遍誰人不羨閑  
無何一名繫引出白雲間

題唐興寺小松

雖小天然別難將  
衆木同侵僧半窗  
月向客滿襟風枝拂行苔  
鶴聲分叫砌蟲如今未堪看  
須是雪霜中

與友人話別

客路行多少干人無易顏  
未成終老計難致此身閑  
月兔走入海日鳥飛出山  
流年留不得半在別離間

和劉評事送海禪和歸山

衲外元無象言尋那路尋  
問禪將底說傳印得何人未  
了群山淺難休一室深  
伏魔寧是獸巢頂亦非禽觀色  
風驅霧聽聲雪灑林凡歸是歸處  
不必指高岑

御溝柳

律到御溝春溝邊柳色新  
細籠穿禁水輕拂入朝人  
日近韶光早天低聖澤勻  
谷鶯棲未穩宮女畫難真  
楚國空搖浪隋堤暗惹塵  
如何帝城裡先得覆龍津





君行君文天合知見君如此我興悲祇殘三口兵戈後  
纔到孤村雨雪時著臥衣裳難辦洗旋求糧食莫供炊  
地鑪不暖柴枝濕猶把蒙求授小兒

冬末同友人泛瀟湘

殘臘泛舟何處好最多吟興是瀟湘就船買得魚偏美  
踏雪沽來酒倍香猿到夜深啼嶽麓鴈知春近別衡陽  
與君剩採江山景裁取新詩入帝鄉

旅中臥病

秋來誰料病相縈枕上心猶算去程風射破窻燈易滅  
月穿疎屋夢難成故園何啻三千里新鴈纔聞一兩聲

我自與人無舊分非千人與我無情

贈秋浦張明府

君為秋浦三年宰萬慮關心兩鬢知人事旋生當路縣  
吏才難展用兵時農夫背上題軍號賈客船頭插戰旗  
他日親知問官況但教吟取杜家詩

雪

風攬長空寒骨生光於曉色報窗明江湖不見飛禽影  
巖谷時聞折竹聲巢穴幾多相似處路岐兼得一般平  
擁袍公子休言冷中有樵夫跣足行

題廬嶽劉處士草堂

仙境閑尋採藥翁  
草堂留話一宵同  
若看山下雲深處  
直是人間路不通  
泉領藕花來洞口  
月將松影過溪東  
求名心在閑難遂  
明日馬蹄塵土中

秋宿臨江驛

南來北去二三年  
年年去年來兩鬢  
斑斑舉世盡從愁  
裏老誰人肯向死前  
閑漁舟火影寒歸浦  
驛路鈴聲夜過山  
身事未成歸未得  
聽猿鞭馬入長關

重陽日有作

一為重陽上古臺  
亂時誰見菊花開  
偷擘白髮真堪笑  
牢鎖黃金實可哀  
是箇少年皆老去  
爭知荒塚不榮來

大家拍手高聲唱  
日未沈山且莫迴

送李鐔遊新安

邯鄲李鐔才崢嶸  
酒狂詩逸難干名  
氣直不與兒輩洽  
醉來擬共天公爭  
孫店夜燒枯葉坐  
亂時秋踏早霜行  
一間茅屋居不穩  
剛出為人平不平

亂後山居

從亂移家擬傍山  
今來方辦買山錢  
九州有路休為客  
百歲無愁即是仙  
野叟並田鋤暮雨  
溪禽同石立寒煙  
他人似我還應少  
如此安貧亦荷天

夏日登友人書齋林亭

暑天長似秋天冷帶郭林亭畫不如蟬噪檻前遮日竹  
鷺窺池面美萍魚拋山野客橫琴醉種藥家僮踏雪鋤  
衆惜君才堪上第莫因居此與名疎

春日山居寄友人

野吟何處最相宜春景暄和好入詩高下麥苗新雨後  
淺深山色晚晴時半巖雲脚風牽斷平野花枝鳥踏垂  
倒載干戈是何日近來麋鹿欲相隨

懷廬嶽舊隱

一別三年長在夢夢中時躡石稜層泉聲入夜方堪聽  
山色逢秋始好登巖鹿慣隨鋤藥叟溪鷗不怕洗苔僧

人間有許多般事求要身閑直未能

春日登樓遇雨

忽地晴天作雨天全無暑氣似秋間看看水沒來時路  
漸漸雲藏望處山風趁鷺鷥雙出葦葦浪催漁父盡歸灣  
一心準擬閑登眺却被詩情使不閑

春日行次錢塘却寄台州姚中丞

豈為無心求上第難安帝里為家貧江南江北閑為客  
潮去潮來老却人兩岸雨收鶯語柳一樓風滿角吹春  
花前不獨垂鄉淚曾是朱門寄食身

贈友人罷舉赴交趾辟命

罷却名場擬入秦南行無罪似流人縱經商嶺非馳驛  
須過長沙弔逐臣船載海奴鑼礮耳象駝蠻女綵纏身  
如何待取丹霄桂別赴嘉招作上賓

時世吟

大因兵死守蓬茅麻苧衣衫鬢髮焦桑柘廢來猶納稅  
田園荒後尚徵苗時挑野菜和根煮斫生柴帶葉燒  
任是深山更深處也應無計避征徭

閑居書事

竹門茅屋帶村居數畝生涯自有餘鬢白祇因秋鍊句  
眼昏多為夜抄書鴈鷺驚風浦漁燈動猿叫霜林橡實疎

待得功成即西去時清不問命何如

亂後逢村叟

經亂衰翁居破村村中何事不傷魂因供寨木無桑柘  
為點鄉兵絕子孫還似平寧徵賦稅未嘗州縣畧安存  
至今雞犬皆星散日落前山獨倚門

贈元上人

多少僧中曾行高偈成流落遍僧抄經窗月靜灘聲到  
石逕人稀蘚色交垂露竹粘蟬落穀牽雲松載鶴棲巢  
煮茶童子閑勝我猶待依時祀磬敲

夏日留題張山人林亭

此中偏稱夏中遊時有風來暑氣收澗底松搖千尺雨  
庭中竹撼一窗秋求猿句寄山深寺乞鶴書傳海畔洲  
閑與先生話身事浮名薄宦總悠悠

傷病馬

此馬堪憐力壯時細勻行步恐塵知騎來未省將鞭觸  
病後長教覓藥醫顛主強擡和淚眼就人輕刷帶瘡皮  
祇今筋骨渾全在春暖莎青放未遲

送僧赴黃山沐湯泉兼禪宗長老

聞有湯泉獨去尋一鉢一鉢一無金不愁亂世兵相害  
却喜寒山路入深野老禱神鷄噪廟瀛人衝雪鹿驚林

患身是幻逢禪主水洗皮膚語洗心

獻鄭給事

化行邦域二年春樵唱漁歌日日新未降詔書酬善政  
不知天澤答何人秋登嶽寺雲隨步夜宴江樓月滿身  
他日朱門恐難掃沙堤新築必無塵

中山臨上人院觀牡丹寄諸從事

閑來吟遶牡丹叢花豔人生事畧同半雨半風三月內  
多愁多病百年中開當韶景何妨好落向僧家即是空  
一境別無唯此有忍教醒坐對支公

塞上

旌旗鬣鬣漢將軍閑出巡邊帝命新沙塞旋收饒帳幙  
犬戎時殺少煙塵冰河夜渡偷來馬雪嶺朝飛獵去人  
獨作書生疑不穩軟弓輕劍也隨身

戲題王處士書齋

先生高興似樵漁水鳥山猿一處居石徑可行苔色厚  
釣竿時斫竹叢疎欺春祇愛和醅酒諱老猶看夾注書  
莫道無金空有壽有金無壽欲何如

長安道中有作

回頭不忍看羸僮一路行人我最窮馬跡蹇於槐影裏  
釣船拋在月明中山陰簷曉滴淋蟬露衫袖時飄卷鴈風

子細尋思底模樣騰騰又過玉關東

題衡陽隱士山居

閑居不問世如何雲起山門日已斜放鶴去尋三島客  
任人來看四時花松醪臘醞安神酒布水宵煎覓白茶  
畢竟金多也頭白莫來爭得似君家

戲贈漁家

見君生計羨君閑求食求衣有底難養一箔蠶供釣線  
種千莖竹作漁竿葫蘆杓酌春濃酒舴艋舟流夜漲灘  
却笑儂家最辛苦聽蟬鞭馬入長安

題汪氏茅亭

茅亭客到多稱竒  
茅亭之上難題詩  
出塵景物不可狀  
小手篇章徒爾為  
牛畔稻苗新雨後  
鶴邊松韻晚風時  
君今酷愛人間事  
爭得安閒老在茲

卜第東歸將及故園有作

平生操立有天知  
何事謀身與志違  
上國獻詩還不遇  
故園經亂又空歸  
山城欲暮人烟斂  
江月初寒釣艇歸  
且把風寒作閑事  
懶能和淚拜庭闈

贈友人罷舉赴辟命

連天一水浸吳東  
十幅帆飛二月風  
好景採拋詩句裏  
別愁驅入酒杯中  
魚依岸柳眠圓影  
鳥傍蟲花戲暖紅

不是桂枝終不得  
自緣年少好從戎

贈休糧僧

自言因病學休糧  
全意非求不死方  
徒有至人傳道術  
更無齋客到禪房  
雨中林鳥歸巢晚  
雨後蟲螻拾橡忙  
爭似吾師無一事  
穩披雲衲坐藤牀

維揚春日再遇孫侍御

本為榮家不為身  
讀書誰料轉家貧  
三年行却千山路  
兩地思歸一主人  
絡岸柳絲懸細雨  
繡田花朵弄殘春  
多情御史應嗟見  
未上青雲白髮新

亂後宿南陵發寺寄沈明府



祇共寒燈坐到明塞鴻衝雪一聲聲亂時為客無人識  
廢寺吟詩有鬼驚且把酒杯添志氣已將身事託公卿  
男兒仗劍酬恩在未肯徒然過一生

途中春

年光身事旋成空畢竟何門遇至公人世鶴歸雙鬢主  
客程蛇遶亂山中牧童向日眠春草漁父隈巖避晚風  
一醉未醒花又落故鄉回首楚關東

書齋即事

時清祇合力為儒不可家貧與善疎賣却屋邊三畝地  
添成窗下一牀書沿溪摘果霜晴後出竹吟詩月上初

鄉里老農多見笑不知借古勝耕鋤

雋陽道中

客路客路何悠悠蟬聲向背槐花愁爭知百歲不百歲  
未合白頭今白頭四五朶山妝雨色兩三行鴈帖雲秋  
輸他江上垂綸者祇在船中老便休

秋日臥病

浮世浮名能幾何致身流落向天涯少年心壯輕為客  
一日病來思在家山頂老猿啼古木渡頭新鴈下平沙  
不堪吟罷西風起黃葉滿庭寒日斜

旅泊遇郡中叛亂示同志

握手相看誰敢言  
軍家刀劍在腰邊  
遍搜寶貨無藏處  
亂殺平人不怕天  
古寺拆為脩寨木  
荒墳開作甃城磚  
郡侯逐出渾閑事  
正是鑿輿幸蜀年

山中寄詩友

山深長恨少同人  
覽景無時不憶君  
庭果自從霜後熟  
野猿頻向屋邊聞  
琴臨秋水彈明月  
酒就東山酌白雲  
仙桂莫攀攀合得  
平生心力盡於文

題瓦棺寺真上人院矮檜

天生仙檜是長材  
裁檜希逢此最低  
一自舊山來砌畔  
幾番凡木與雲齊  
迴無斜影教僧踏  
免有閑枝引鶴棲

今日偶題題似着  
不知題後更誰題

江下初秋寓泊

濛濛烟雨蔽江村  
江館愁人好斷魂  
自別家來生白髮  
為侵星起謁朱門  
也知柳欲開春眼  
爭奈萍無入土根  
兄弟無書鴈歸北  
一聲聲覺苦於猿

投從叔補闕

吾宗不謁謁詩宗  
常仰門風繼國風  
空有篇章傳海內  
更無親族在朝中  
其來雖媿源流淺  
所得須憐雅頌同  
三十年吟到今日  
不妨私薦亦成公

贈張員外兗

張公一子才三歲聞客吟聲便出來喚物舌頭猶未穩  
誦詩心孔迴然開天生便是成家慶年長終為間世才  
月裏桂枝知有分不勞諸文作梯媒

入關寄九華友人

坐牀難穩露蟬新便作東西馬上人醲酒却輸耽睡客  
好山翻對不吟人無多志氣禁離別強半年光屬苦辛  
篋裏篇章頭上雪未知誰戀杏園春

冬末自長沙遊桂嶺留獻所知

家隔重湖歸末期更堪南去別深知前程笑到山多處  
上馬愁逢歲盡時四海內無容足地一生中有苦心詩

朱門祇見朱門事獨把孤寒問阿誰

送福昌周繇少府歸寧兼謀隱

少見古人無遠慮如君真得古人情登科作尉官雖小  
避世安親祿已榮一路水雲生隱思幾山猿鳥認吟聲  
知君未作終焉計要著文章待太平

賀顧雲侍御府主與子弟奏官

敷下時  
年七歲

青桂朱袍不賀兄賀兄榮是見兒榮孝經始向堂前徹  
官誥當從幕下迎戲把藍袍包果子嬌將竹笏惱先生  
自慙亂世無知己弟姪鞭牛傍隴耕

舟行即事

年少髭鬚雪欲侵別家三日幾般心朝隨賈客憂風色  
夜逐漁翁宿葦林秋水鷺飛紅蓼晚暮山猿叫白雲深  
重陽酒熟茱萸紫却向江頭倚棹吟

山居寄同志

茅齋深僻絕輪蹄門徑緣莎細接溪垂釣石臺依竹壘  
待賓茶竈就巖泥風生谷口猿相叫月照松頭鶴並棲  
不是無端過時日擬從窗下躡雲梯

將入閩安陸遇兵寇

家貧無計早離家離得家來蹇滯多已是數程行雨雪  
更堪中路阻兵戈幾州戶口看成血一旦天心却許和

四面烟塵少無處不知吾土自如何

寄臨海姚中丞

夏辭旌旆已秋深永夕思量淚滿襟風月易斑搜白鬢  
星霜難改感恩心尋花洞裡連春醉望海樓中徹曉吟  
雖有夢魂知處所去來多被角聲侵

秋日閑居寄先達

到頭身事故何為窗下工夫鬢上知乍可百年無稱意  
難教一日不吟詩風驅早鴈衝湖色雨挫殘蟬點柳枝  
自古書生也如此獨堪惆悵是明時

題覺禪和

全五代詩 卷三  
少見脩行德似師茅堂佛像亦隨時禪衣衲後雲藏線  
夏臘高來雪印着耕地誠侵連塚土伐薪教護帶巢枝  
有時間着經中事知道山僧總不知

感秋

年年名路謾辛勤襟袖空多馬上塵畫戟門前難作客  
釣魚船上易安身冷烟粘柳蟬聲老寒渚澄星雁叫新  
自是儂家無住處不關天地窄於人

題德元上人院

剗得心來忙處閑閑中方寸濶於天浮生自是無空性  
長壽何曾有百年罷定磬敲松嶂月解眠茶煮石根泉

我雖未似師披衲此理同師悟了然

投長沙裴侍郎

此身雖賤道長存非謁朱門謁孔門祇望至公將卷讀  
不求朝士致書論垂綸雨結漁鄉思吹木風傳鴈夜魂  
男子受恩須有地平生不受等閑恩

和友人見題山居

避時多喜葺居成七字君題萬象清開戶曉雲連地白  
訪人秋月滿山明庭前樹瘦霜來影洞口泉噴雨後聲  
有景供吟且如此算來何必躁於名

獻長沙王侍郎

金星漸見射台星皆仰為霖沃衆情天澤逼來逢聖主  
辭林盛去得書生雲粧嶽色供吟景月浩湘流遞政聲  
美化事多難諷誦未如耕釣口分明

投江上崔尚書

此生何路出塵埃猶把中才謁上才閉戶十年專筆硯  
仰天無處認梯媒馬前霜葉催歸去枕上邊鴻喚覺來  
若許登門換鬢鬣必應辛苦事風雷

書事投所知

古陌寒風來去吹馬蹄塵旋上麻衣雖然干祿無休意  
爭柰趨時不見機詩思趁雲從嶽涌鄉心隨鴈遶湖飛

肯將骨肉輕離別未遇人知未得歸

秋日湖外書事

十五年來筆硯功祇今猶在苦貧中三秋客路湖光外  
萬里鄉關楚邑東鳥遶杖藜山翳雨猿林欹枕樹搖風  
朱門處處若相似此命到頭通不通

題宗上人舊院

此院重來事事乖半欹茅屋草侵堦啄生鴉憶啼松枿  
接果猿思嘯石崖壁上塵粘蒲葉扇牀前苔爛筍皮鞋  
分明記得談空日不向秋風更愴懷

亂後出山逢高員外

自從亂後別京闕一入烟蘿十五年重出故山生白髮  
却裝新卷謁清賢窗迴旅夢城頭角柳結鄉愁雨後蟬  
名姓暗投心暗祝永期收拾向門前

訪蔡融因題

杖藜時復過荒郊來到君家不忍拋每見苦心脩好事  
未嘗開口怨平交一溪寒色漁收網半樹斜陽鳥傍巢  
必若天工主人事肯交吾子委衡茅

友人贈舍弟依韻戲和

吾家此弟有何知多媿君開道業基不覺裹頭成大漢  
昨來竹馬作童兒還緣世遇兵戈開祇恐身脩禮樂遲

及見和詩詩自好礪公不到更何時

下第東歸道中作

一回落第一寧親多是途中過却春心火不銷雙鬢雪  
眼泉難濯滿衣塵苦吟風月唯添病遍識公卿未免貧  
馬壯金多有官者榮歸却笑讀書人

館舍秋夕

寒雨蕭蕭燈焰青燈前孤客難為情兵戈開日別鄉國  
鴻鴈過時思弟兄冷極睡無離枕夢苦多吟有徹雲聲  
出門便作還家計直至如今計未成

哭山友

全五代詩 卷三  
十載同棲廬嶽雲寒燒枯葉夜論文在生未識公卿面  
至死不離麋鹿群從見蓬蒿叢壞屋長憂雨雪透荒墳  
把君詩句高聲讀想得天高也合聞

獻池州牧

池陽今日似漁陽大變凶年作小康江路靜來通客貨  
郡城安後絕戎裝刀開野色收新麥驚斷鶯聲摘嫩桑  
縱有逋民歸未得還聞仁政旋還鄉

送韋書記歸

座主侍郎同舉

韋杜相逢眼自明士連恩地倍牽情聞歸帝里愁攀送  
知到師門話姓名如客半脩前輩禮古人多重晚年榮

從來有淚非無淚未似一朝淚滿纓

贈休禪和

為僧難得不為僧僧戒僧儀未是能弟子自知心了了  
吾師應為醉騰騰多年覺悟非閑衲一點分明不在燈  
祇道詩人無佛性長將二雅入三乘

送李先輩從軍塞上

去草軍書出帝鄉便從城外學戎裝好隨漢將收胡土  
莫遣胡兵近漢疆灑磧雪粘旗力重凍河風揭角聲長  
此行也是男兒事莫向征人恃桂香

和友人送弟



君說無家祇弟兄此中言別若為情干戈鬧日分頭去  
山水寒時信路行月下斷猿空有影雪中孤鴈却無聲  
我今骨肉雖飢凍幸喜團圓過亂兵

酬張員外見寄

分應天與吟詩老如此兵戈不廢詩生在世間人不識  
死於泉下鬼應知啼花蜀鳥春同苦叫雪巴猿晝共飢  
今日逢君惜分手一枝何校一年遲

獻新安于尚書

九土雄師竟若何未如良牧與天和月留清俸資家少  
歲計陰功及物多四野綠雲籠稼穡千山明月靜干戈

行人耳滿新安事盡是無愁父老歌

亂後書事寄同志

九五如今盡用兵短戈長戟困書生思量在世頭堪白  
晝度歸山計未成皇澤正霑新將士侯門不是舊公卿  
到頭詩卷須藏却各向漁樵混姓名

投宣諭張侍郎亂後遇毘陵

此生今日似前生重著麻衣特地行經亂後囊新卷軸  
出山來見舊公卿雨籠螿壁吟燈影風觸蟬枝噪浪聲  
聞道中興重人物不妨西去馬蹄輕

下第投所知

落第愁生曉鼓初地寒才薄欲何如不辭更寫公卿卷  
却是難脩骨肉書御苑早鶯啼暖樹釣鄉春水浸貧居  
擬離門館東歸去又恐重來事轉疎

哭方干

何言寸祿不沾身身沒詩名萬古存况有數篇闕教化  
得無餘慶及兒孫漁樵共壘墳三尺猿鶴同棲月一村  
天下未寧吾道喪更誰將酒酹吟魂

秋日泊浦江

一航程歇九秋時漠漠蘆花拂浪飛寒浦更無船並宿  
暮山時見鳥雙歸照雲烽火驚離抱剪葉風霜逼暑衣

江上漸明汀露濕靜驅吟魄入元微

白髮吟

一莖兩莖初似絲不妨驚度少年時幾人亂世得及此  
今我滿頭何足悲九轉靈丹那勝酒五音清樂未如詩  
家山蒼翠萬餘尺藜杖楮冠輸老兒

下第寄池州鄭員外

省出蓬蒿脩謁初蒙知曾不見生疎侯門數處將書荐  
帝里經年借宅居未必有詩堪諷誦祇憐無援過吹噓  
如今足得成持取莫使江湖却釣魚

贈題兜率寺閑上人院

全五竹詩 卷三  
人間寺應諸天號真行僧禪此寺中百歲有涯頭上雪  
萬般無染耳邊風挂帆波浪驚心白上馬塵埃翳眼紅  
畢竟浮生謾勞後莫來何事不成空

別四明鍾尚書

九華天際碧嵯峨無柰春來入夢何難與英雄論教化  
却思猿鳥共烟蘿風前柳態閑時少雨後花容淡處多  
都道人生有離別且將詩句代離歌

題護國大師塔

莫認雙林是佛林禪棲無地亦無金塔前盡禮灰來相  
衲下誰宗印了心笠象允明雙不見線源分派寸難尋

吾師覺路余知處大藏經門一夜吟

春日山中對雪有作

竹樹無聲或有聲霏霏漠漠散還凝嶺梅謝後重粧藥  
巖水鋪來却結冰牢繫鹿兒防獵客滿添茶鼎候吟僧  
好將膏雨同功力松徑莓苔又一層

山中對雪有作

一渾乾坤萬象收唯應不壅大江流虎狼遇獵難藏跡  
松柏因風易舉頭玉帳英雄攜妓賞山村鳥雀共民愁  
豈堪久蔽蒼蒼色須放三光照九州

早發

東窗未明塵夢蘇呼童結束登征途落葉鋪霜馬蹄滑  
寒猿嘯月人心孤時逆帽簷風刮頂旋呵鞭手冷粘鬚  
青雲快活一未見爭得安閑釣五湖

題仇處士郊居

處士素官卜居

江南景簇此林亭手板藍裾自可輕洞裏客來無俗話  
郭中人到有公情閑敲巖果呼猿接時釣溪魚引鶴爭  
笑我有詩三百首馬蹄紅日急於名

依韻次同年張曙先輩見寄之什

天上詩名天下傳引來齊列玉皇前大仙錄後頭無雪  
至藥成來竈絕烟笑躡紫雲金作闕夢拋塵世鐵為船

九華山叟驚凡骨同到蓬萊豈偶然

亂後逢李昭象叙別

李生李生何所之家山翠雲胡不歸兵戈到處弄性命  
禮樂向人生是非却與野猿同橡塢還將溪鳥共漁磯  
也知不是男兒事爭奈時情賤布衣

晚春寄同年張曙先輩

莫將時態破天真祇合高歌醉過春易落好花三箇月  
難離浮世百年身無金潤屋渾閑事有酒扶頭是了人  
恩地未酬閑未得一迴醒話一沾巾



